

江苏人文地理

江蘇人文地理

繆斌



中華民國十九年七月出版

# 江蘇人文地理

(全一册定價銀六角)


(外埠酌加郵費匯費)

編者 柳肇嘉

發行者 大東書局  
上海四馬路中市

印刷者 大東書局  
上海北福建路二號

發行所 大東書局  
上海四馬路



版權所有  
翻印必究

## 序

地理學一科，普通分爲自然地理人文地理二部。自然地理，包括天文地文而言，專研究地球表面之自然現象。人文地理，專研究地球表面人類之各種現象，如種族言語宗教風俗政治等是也。江蘇人文地理，則僅就蘇省範圍以內，研究人爲之種種，其關於民族民生兩主義至大。今江蘇省政府民政廳特設區長訓練所，爲改革省政推行自治之基礎，訂此科爲主要科目，其用意深切著明，願擔任此科者，以調查材料最難，肇嘉讓陋無似，承乏是席，謹就曩日之所習，官書私書之記載，參以見聞所及，彙爲一編，以應程課，限於時日，未能博採兼收，第一屆學員既畢業，對於蘇政之前途，頗多感想，一曰推行區政，爲訓練人民之下層工作。二曰應設大規模之視察，以各縣區長爲基本人才，調查全省之政

俗，研究其利病得失，爲改造新江蘇之張本。三曰六十一縣中，面積過大者，宜量其人口財賦，析爲二縣，使區域縮小，施治易周。四曰導淮治運，爲發展江北消弭匪患之急務。五曰省志爲省政之結晶，編纂江蘇通志者，應利用各縣區長，以補採訪員所不及，倘五者俱備，則江蘇面目一新，自治日進，我輩治地學者，庶幾免徒託空言之譏矣。民國十九年一月九日，鎮江柳肇嘉序於青雲門逸廬。

# 江蘇人文地理目錄

## 第一章 本省之自然地理

一 山嶺

二 川澤

三 原隰

四 海岸

五 氣候

## 第二章 本省之產業

一 農產與農業

二 鹽產與鹽業

三 水產與漁業

四 鑛產與鑛業

五 工商業

第三章 本省之社會

一 民族

二 人口

三 語言

四 風俗

五 宗教

六 教育

七 黨部

八 救濟事業

第四章 本省之政治

一 政治沿革

二 民政

三 公安

四 財政

五 司法

六 外交

## 第五章 本省之交通

一 鐵路

二 航路

三 公路

四 電報

五 無線電



六 電話

七 郵政

第六章 本省之重要都會

一 南京

二 鎮江

三 上海

四 吳縣

五 無錫

六 南通

七 江都

八 淮陰

九 銅山

十 東海 灌雲

## 第七章 本省之著名鄉鎮

一 江寧鎮

二 湯泉鄉

三 龍潭鎮

四 寶堰鎮

五 大港鎮

六 西石城

七 戚墅堰

八 橫林

九 木瀆

十 角直鎮

- 十一 平望鎮
- 十二 同里鎮
- 十三 震澤鎮
- 十四 盛澤鎮
- 十五 南翔鎮
- 十六 劉河鎮
- 十七 朱家角
- 十八 龍華鎮
- 十九 瓜洲鎮
- 二十 仙女廟
- 二十一 邵伯鎮
- 二十二 十二圩

一三 姜堰鎮

一四 河下鎮

一五 新浦鎮

一六 衆興鎮

## 第八章 本省人文之特色

一 舊文化之發達

二 新文化之輸入

## 附錄

一 江蘇省各縣縣等經費數目表

二 縣組織法

江蘇人文地理  
目錄

# 江蘇人文地理

## 第一章 本省之自然地理

### 一 山嶺

蘇境山嶺之分佈，北則徐海，南則金陵蘇常，北部諸山，承山東半島脊嶺之緒，蜿蜒而南，勢成弩末，已失雄偉壯大之觀，惟東海之雲臺山，高逾六百公尺，堪爲全境諸峯之冠，餘若贛榆之夾谷山，東海之朐山羽山房山，灌雲之大伊山伊廬山，皆在二百公尺以下，山勢雖甚散漫，然沿蘇魯交界一帶，坡陀起伏，潛脈所趨，固與平原有異，此部諸山，俱屬元古界變質岩所組成，東北遙接山東濱海諸山，西南隱與皖之淮陽山脈銜接，惟中間洪澤及淮沭低地，縣互之跡，在今日之地形上，自

不易覺察耳，然伏脈潛佈，不特爲南北地層之界域，且與蘇境山嶺之分佈，亦且有重要之關鍵焉，蓋自海屬而西，自邳碭至銅蕭之間，山嶺所在，雖零星踈落，然大致約成東北西南之平行山嶺，惟散處於邳碭睢境之艾山城山等，分峙於平原間，高度率在百公尺以下，其連貫之狀，在野外觀察，竟難辨別，比入銅山東境，自東徂西，黃山紀山縣山毛山狄山黑山半山霸王山等，爲房亭河與舊黃河之分水嶺，因河道割裂，合之似成東西山脈，分之則各山趨勢，仍循地層構造，作東北西南之向，且與河涯以南之風山，及寶光寺之朱科等山，褚蘭以南，蘇皖交界之驢頭九龍桂枝諸山，遙相銜接焉，比至津浦路線，自北界利國驛，迄南界曹村之間，山嶺縣互，脈向約與路綫相平行，中爲柳泉左近雞鳴山牛頭山相山，蕭邑岱山，及白土寨之大北山成山曬書臺石崖山錦屏山皇帽山觀山，以及迤南諸峯，高度率在二百五十至三百五十公尺左右，爲徐屬較

高之山，餘若銅山縣屬之荆山九里山子房山暘山雲龍山銅山等，均在一百五十公尺以下，此北部山嶺之大概也。

南部山嶺，峯巒層疊，聚處較密，惟地貌已屆中年，川澤縱橫，淤積遍布，重以地層構造之繁複，乍視之下，欲蹤跡其來源所自，頗不易易，然察其地層之分佈，則南系山嶺之界脊，即在蘇浙皖三省邊境，因無適當之山名足以代表，姑以界嶺稱之，此區諸山，嶺脊之高者，在五百公尺以上，屏峙蘇南，蔚爲大觀，此界脊當爲皖南山脈東出之一支，在中國南部之地形上，並無重要價值，但在蘇境，則形勢已較羣山雄峻，而論其構造，亦尙堪當主幹之稱，自界嶺而東而北，著稱之山，如宜興之銅官山，洞庭之縹緲莫釐二峯，暨馬蹟山，太湖諸峯，環湖而立者，如錫之惠山舜歌山，及石塘諸山，吳之玄墓穹窿漁陽高峯七子諸山，距湖較遠者，爲南陽翠屏諸山，高度俱在二百至四百五十公尺左右，包



蘊其中之靈岩天平觀音獅子諸山，雖同屬一脈，惟石質屬花岡岩，與他山迥異，虎邱一山，則西北與無錫之陽山，東南松屬九峯，同爲斑岩與凝灰岩所組成，自成一系，而此主幹則更往北，延爲散處平原間之常熟江陰諸山，高度均在百公尺以下，逾江而北，在南通爲軍山狼山，在靖江爲孤山，再北則掩埋於沖積層之下，無可得見，故此假定之江南山嶺主幹，始於界嶺，至於江北之南通靖江諸山，雖以零落散處，不易蹤跡其脈向，但按圖索驥，亦不無線索可尋，其趨勢始而東北，繼有折而北向之概，附屬於此幹之山嶺，中部爲茅山方山丫髻山。山向南北，高度在三百至四百公尺之間，北部爲寧鎮江浦諸山，此部在寧浦一段，山向略作東北、東、西南、西，寧鎮一段，則約成東西向，全系內著稱之山，如鍾山湯山崙山棲霞山青龍山華山銅山霧岐山天王山香山高驪山武祖山十里長山等，高峯俱在三百至四百公尺之間，中以鍾山爲最，高度約